

Dem Durchlauchtigsten Hoch-
gebornen Fürsten vnd Herrn, Herrn
Augusto Herzogen zu Sach-
sen des Heiligen Römischen Reichs
Erzmarschall vnd Churfür-
sten Landtgrauen in Thüringem
Starggrauen zu Meissen
vnd Burggrauen zu
Magdeburg Mei-
nem Gnedigsten
Herren!

In haben die alten Keyser Cyrus

in Assyrien, Alexander in Macedonien, Vespasianus zu Rom, bey den
nachkommenen grossen rühm erlangt, Darumb, das sie sich schöner
Lustgerten beflissen, vnd in dieselben mancherley beume vnd Kreutter
gesetzt, vnd gepflanzt haben, Daran sie nicht allein Ihre lust gehabt,
sonderen auch vorstanden woer sie dienen. Vnd haben auß
dem geschopfe die Weisheit des Schopffers erkant, vnd gepreiset.

So wirt auch in Heiliger Schrift gerümet, Der König Salomon
das er von beumen vnd Kreuttern gewissen vorstandt gehabt, vnd
Iderman hat bericht thun können. Diese hohe vnd Fürstliche tü-
gent beweiset sich auch an Ewer Churfürstliche Durchlauchtig-
vnd ist neben andern billich Zürhümen, den sie einen Idern Chri-
sten weisen, wie sie auch die heiden gewisen hat, zu Gott irem Schöp-
fer. Darnem Weil der selbige die Blumlein auff dem Felde, die beu-
me in Gerten erhelte, vnd siet sie mit viel schöneren Farben, Blumen,
vnd fruchten. Hiervil mehr wil er das seinen dienern thun?
wie der Herr Christus selbst predigt, haben den die fruchte auff dem
Felde Iren Gott der sie alle Jar wieder aus der erden bringet, das sie
blühen wachsen vnd ire frucht bringen. So werden auch

fromme Regenten vnd Ire nachkommen, so sie in Gottes fürcht le-
ben, wie die schonen Palmenbaume an wassern (wie Dauid dar-
von redet) auch blühen können, vnd bestendige Regiment haben.
Darnem Weil Ewer Churfürstliche Durchlauchtigkeit auch mit
solcher Weisheit von Gott begabet, So habe ich auff Ewer Chur-
fürstlichen Durchlauchtigkeit befehl vndertheniglich dieses buch
von Sechs hundert Schonsten vnd vornemsten gewegsen, so ich
in diesen vnd andern Landen mit grosser mühe habe bekommen
mogen, mit hochstem vleis, zusammen gebracht vnd geordnet.